

Faamatalaga 3: O le talitonu po o le le talitonu i le Atua o le a le aafia ai le ala tatou te taulimaina ai fesili e uiga i le uiga o le ola mama ma le faamoemoega o le olaga.

Ia talanoaina faatasi o se vaega le sa’o o le faamatalaga 3. Faitau le Alema 30:12–18, ma talanoaina pe na faapefea e talitonuga o Korioa ona aafia ai lana vaauga i le ola mama ma le faamoemoega o le olaga. Ona faitau lea o faamatalaga nei:



O le faatinoga o le talitonu e aliae mai i le loto o le tagata vaai. Na fetalai atu le Faaola ia i latou na siomia o Ia, “O le ua i ai taliga e faalogo ai, ina faalogo mai ia o ia” (Luka 8:8). . . .

Na fananau uma atalii e toafa a Liae i ni matua lelei lava e tasi. O le eseese i le va o le au talitonu sa le tele naua i le mea na tupu ia i latou, ae i o latou uiga faaalii i le mea na tupu. O le uiga faaalii na afua mai i totonu o o latou lava loto, faatasi ai ma le faia e i latou taitoatasi o lana lava filifiliga saoloto ia talitonu—pe leai. . . .

. . . E le mafai e [le Atua] ona pulea pe tatou te filifili ma le lotofuatiaifo e talitonu ia te Ia, e talia o Ia, e saili atu ia te Ia. E na o Lona aao lava e mafai ona Ia ofoina mai ia i tatou, ma afai tatou te filifili e talia, ona mafai lea ona Ia taialaina i tatou agai atu i soo se mea tatou te matua manaomia mo lo [tatou] lava tuputupu ae. (Bruce C. Hafen and Marie K. Hafen, *Faith Is Not Blind* [2018], 81, 88)



O se aoga mamana ma faatosina faonapo nei o mafaufauga o le “manatu tonu i ai,” o le manatu e faapea e leai se sa’o a’ia’i po o se mea sese. I tua atu o na ituaiga manatu o loo i ai taumatega e faapea e le o i ai se Atua po o le, afai e i ai se Atua, Na te le’i tuuina mai ni poloaiga e faatatau ia i tatou i aso nei. . . .

O le Au Paia o Aso e Gata Ai e manino lava e amata i se tulaga ese: o loo i ai se Atua o le punavai o le tulafono e Faavavau, ma ua Ia tuuina mai poloaiga e faavae ai se sa’o ma se sese mo le tele o filifiliga. . . . Tatou te tetee atu i manatu sese, ma e tatau ona tatou fesoasoani i a tatou talavou ia aloese mai le faaseseina ma le faatauanauiina e manatunatuga ma faaiuga e faavae i ona manatu sese.

O fea tatou te tagai i ai mo ni manatu ia tatou te amata ai ona tatou iloilo ina upumoni po o le taliaina o talosaga eseese? Tatou te taula i tatou lava i le afioga a le Atua, e pei ona i ai i tusitusiga paia ma aoaoga a perofeta o ona po nei. Vagana ai ua tatou taula i nei upumoni o ni o tatou faavae ma talitonuga [tutotonu], e le mafai ona tatou mautinoa ua moni a tatou faaiuga. (Dallin H. Oaks, “E Pei Ona Manatu o Ia i Lona Loto” [afiafi ma se Pulega Aoao, 8 Sep., 2013])

(*Manatua*: O se manatu o se amataga po o se faavae mo lou manatu. O se manatunatuga o se mea e te manatu e moni ae atonu e le moni lena mea.)

Talanoaina fesili nei:

- Aisea e faia ai e a tatou mataupu (vaega amata) se eseesega tele i le auala tatou te taliina ai fesili?
- O le a le eseesega e i ai pe a tatou faia se fesili ma le talitonuga i le Atua e fai ma o tatou manatu autu?
- Aisea e taua ai le malamalama o le talitonu i le Atua o se mataupu o le filifiliga?

E faavae i mea ua e aoaoina i le taimi o leni talanoaga, tusifaamaumau se lomiga ua toe faafouina o le faamatalaga 3. Ia saunia e faasoa atu lau faamatalaga ua toe faafouina ma mea na e aoaoina i lau vasega.